

茅亭客話

茅真客話

湖北先正遺書 子部

河湯盧氏慎始

基高據對兩棲

集書本景印



茅亭客話曾列入津逮祕書中外此
皆鈔本流傳若舊刻惟宋板耳余所
藏有二本一宋板即敏求記所云太廟
前尹家書籍鋪刊行本也一舊鈔為
錢罄室家藏得此穴研齋繕寫本
共有二本矣此冊取對宋板大段都
同中有正文寫為小字者宋板如是
故仍之古書源流明眼人能自辨之
弗可為外人道也

乙亥夏季復翁

此乃古書殘卷，凡類人微白，皆在
同中，蓋古文，因書，小字，皆在，故以是
共，自，三，本，公，九，冊，短，錢，宋，林，大，致，情
幾，發，近，文，遠，器，之，公，極，高，器，一，其，本
前，年，第，書，古，錄，驗，以，茲，本，世，一，書，也，其
藏，本，二，本，一，本，以，出，其，本，其，本，其，本，其，本
皆，後，本，其，本，其，本，其，本，其，本，其，本，其，本
其，本，其，本，其，本，其，本，其，本，其，本，其，本

茅亭客話目錄

江夏黃休復集

卷第一

蜀先兆

太平木

甘露

天尊木

虎盜屏跡

蜀無大水

車轍跡

程君友

雍道者

卷第二

王客

崔尊師

范處士

李處士

張海上

蘇推官

費尊師夢

馮山人

李四郎

卷第三

淘沙子

張道者

大覺禪師

張平雲

王居士

勾居士

味江山人

蘭亭會序

卷第四

家居泰

周寫貌

丁元和

王太廟

劉長官

陳損之

史見魂

女先生

李聾僧

勾生

卷第五

黎海陽

白蝦蟇

鮮于耆宿

食蝦蟇野菌

虹蜺

雷

雨雹

雉龍

李老

慈母池

龍女堂

卷第六

悼蜀詩

艾延祚

夷人婦

張光贊

金相輪

金寶化爲煙

奢侈不久

劉盱

卷第七

哀亡友辭

郝逢傳

陳季和

鬻屨姬

盲女

鐵骨魚

卷第八

瑞牡丹

寓孔雀書

滕處士

好畫虎

虎化爲僧

葭萌二客

李吹口

卷第九

天倉洞

鬻龍骨

試金石

僧繇閣

石像

魚化爲石

採枸杞

趙公山

鹿水溪蛇

趙十九

景山人

彈鴛鴦

蚕饅頭

太子太師

卷第十

孫處士

黃處士

程先生

杜大舉

任先生

譚居士

小童處士

茅亭客話目錄

茅亭客話卷第一

憲

江夏黃休復集

蜀先兆

聖朝乾德二年歲在甲子興師伐蜀明年春蜀主出降二月除兵部侍郎叅知政事呂公餘慶知軍府事以僞皇太子策勲府爲理所先是蜀主每歲除日諸宮門各給桃符一對俾題元亨利正四字時僞太子善書札選本宮策勲府桃符親自題曰天垂餘慶地接長春八字以爲詞翰之美也至是呂公名餘慶太祖皇帝誕聖節號長春天垂地接先兆皎然國之替興固前定矣

太平木

僞蜀廣政末成都人唐季明父失其名因破一木中有紫紋隸書太平兩字時欲進蜀主以爲嘉瑞有識者解云不應此時須至破了方見太平爾果自聖朝弔伐之後頻頒曠蕩之恩寬宥傷殘之俗後乃改太平興國之號即知識者之言諒有證矣

甘露

聖宋戊申歲帝奉元符禮行泰岳是時雨露之恩徧加率土應天下悉賜大酺其年冬十月知州樞密直學士任公中正於衙南樓前盛張妓樂雜戲以宴耆老遵詔旨也大酺之盛蜀民雖眉厖齒齟未曾見之可謂榮觀爾歡呼之聲傾動方隅皆稱徃歲兩陷盜賊墮於塗炭豈知今日遇文明主作太平民得

觀茲盛世矣是歲冬十二月甘露降于大聖慈寺甘露寺淨衆寺金繩院龍興觀青羊宮及衙廨內道院凡八處竹栢之上自承天節日至二十日逐夜聯縣不止葉無大小悉皆周徧士庶扶老携幼奔馳于路以盤盂承接嘗飲之甘如飴蜜又里儒證瑞應圖曰夫甘露之降王者尊賢尚齒則竹栢受之聖人作爲道之休明德動乾坤而感者謂之瑞其是之謂乎

天尊木

大中祥符六年縣州彰明縣崇仙觀栢柱上有木紋如畫天尊狀毛髮眉目衣服履舄纖縷悉備知州比部外郎劉公

宗言

遂繪事奏聞奉

聖旨令津置赴

闕送玉清昭應宮其觀主賜紫及茶絹等物今川民

皆圖畫供養之

虎盜屏跡

聖朝未克蜀前劒利之間虎暴尤甚白衛嶺石筒磯虎名披鬃子地號稅人場縣漢間白楊林虎名裂蹄子商旅聚徒而行屢有遭搏噬者嘉州牛頸山有子母虎陵州鐵爐山有青豹子彭蜀近山鎮縣暴獸成群農家不敢放牧及出門採樵行旅共苦之又有群盜諸州縣結聚各有百人至二百人官軍掩捕則與格鬪勝則禦敵官軍敗則奔入林藪雖有捕盜之吏莫能禽獲僅四十餘年民無安業

聖朝克復後歲貢綱運使命商旅晝夜相繼廬舍駢接犬豕縱橫虎豹群盜悉皆屏跡得非繫國朝之盛

衰時政之能否乎

蜀無大水

開寶五年壬申歲秋八月初成都大雨岷江暴漲永康軍大堰將壞水入府江知軍薛舍人文寶與百姓憂惶但見驚波怒濤聲如雷吼高十丈已來中流有一巨材隨駭浪而下近而觀之乃一大蛇爾舉頭橫身截于堰上至其夜聞堰上呼噪之聲列炬縱橫雖大風暴雨火影不滅平旦廣濟王李公祠內旗幟皆濡濕堰上唯見一面沙堤堰水入新津江口時嘉眉州漂溺至甚而府江不溢初李冰自秦時代張若爲蜀守寔有道之士也蜀困水難至于白黿生蛙人罹墊溺且久矣公以道法役使鬼神擒捕水怪因是壅

止泛浪鑿山離堆闢沫水於南北爲二江灌漑彭漢
蜀之三郡沃田億萬頃仍作三石人以誓江水曰俾
後萬祀水之盈縮竭不至足盛不沒育又作石犀五
所以厭水物於是蜀爲陸海無水潦之虞萬井富實
功德不泯至今賴之咸云理水之功可與禹偕也不
有是績民其魚乎每臨江滸皆立祠宇焉

車轍跡

縣州羅江縣羅墳山有羅墳洞昔羅真人名墳修道
上昇之所也其洞凡有水旱疾癘禱之靈無不應太
平興國五年庚辰歲中秋彩霧輕煙月光如晝香風
瑞氣瀰漫山谷四遠村民登層巒而望之唯聞音樂
環佩之聲遲明但見車轍之跡去洞十里餘闊一丈